

Alti Mondschyn-Clique

Fasnacht 1929



Schnitzelbank

1. D'Wältraise sin efange Trumpf;
Doch alli hän kai Spitz,
Syt ihri Fahrt hän undernoh
Der Hansi und der Fritz,
: Und by der Haimkehr fyrt me si :
By Frass und Grafisbier;
: Dur d'Stadt git's e Fagglezug
Und's Rindvieh stoh Spalier. :]
2. Der Solitude-Roseschmugg
Wird haarig dezimiert,
Bis ain vo der Sekuritas
Me schliesslig requiriert;
: Und richtig laufft der Dieb ins Garn. :]
Wät **maag** dä Vogel sy?
: E panzereti Nachtigall,
Doch dasmol trampet er dry. :]
3. Vom Wort „kommun“ der Titel hän
Bikanntlig d'Kommunischle;
Drum sollte vor der aigne Tir
Si zerscht emol go mischte.
: E Kommunischtefiehler list :]
Sym Mägdly Theorie
: Und nohär mit em Bäsestil
Bringt d'Frau em Praxis by. :]
4. E „Dagblatt“ und e „Baslerstab“,
Aim vor em andre graut
Und jedes het im andre gsait,
Es haig em s'Gschäft versaut;
: Doch syt si sich verschmolze hän, :]
Sin baidi nimme daub,
: Si mäleche zämme s'Publikum
Und daile-n-ihre Raub. :]
5. E Sauhitz hām-er z'Basel gha
Im Summer s'letschi Johr,
Drum het me schnäll verschieden
Reforme gschlage vor.
: Fir d'Polizei und d'Strossebahn :]
Hätt lycht me-n-Abhilf gha;
: Doch schwärer wär's fir d'Häsligsi,
Si hän jo fascht nyt a. :]
6. Im Kaffi Spitz Fascischtefescht!
Das erg'ret d'Kommunischte,
Si demonschtriere-n-uff der Brugg
In ihre Samschtigskische;
: 's wär gscheiter fascht, wenn baidi Dail :]
Marschierte-n-Arm in Arm
: Und Hesse-n-ihri Polftik
Bym Pfunde dur der Darm. :]
7. Der Oeri het der Wälti glux
Vo wäg'nem Rosi Grimm — o lätz!—;
Der Wälti het zuer Antwort gäh,
Das syg Altwybergschwätz.
: Druff aber het der Oeri glacht :]
Und het em Franz verzelt,
: Er haig halt nonig d'Johresring
Vom rote Rosi zelt.
8. Zwai Kohlesegg hän Händel griegt,
Scho lang isch d'Frindschaft lax;
Der Camille zyllt uf d'Heldebrusecht
Vom Glätterkinschtler Max,
: Und vor em Griecht, wie beesi Hind :]
Der aint der ander bysst.
: Si zaige, dass me fromm ka sy,
Au wenn der Staat me bschysst. :]
9. Der Schwyzer Windhundrennverain
Het Windhind renne loh;
Doch s'Häslig uf der Hasebahn,
Das blybt eläggrisch stoh.
: Säxdausig Fränggli Defizit, :]
Das isch mi Seel' kai Witz,
: Sö goht's, wenn der Vorstand
Het Windhind an der Spitz. :]
10. Fir d'Frauenarbet d'„Saffa“, het
E Mordsreklame gmacht,
Und alles het bihauptet gha,
Am scheenschte syg's g'si z'nacht.
: Das isch nyt neis, mir alli hän :]
Jo d'Frauenarbet gärn;
: Doch ka me z'nacht si z'Basel ha,
Me brucht nit lang uff Bärn.

